



Inatsisinut Ataatsimiititaliaq
Inatsisartut

Uunga: Anders Olsen

J.nr.: 01.33.03-00019

Inatsisinut Ataatsimiititaliaq Ilaqutariinnermut Inatsisinillu Atuutsitsinnermut Naalakkersuisumut 19. november 2013-imi apeqquteqaateqarpoq. Apeqquteqaateqarnermut tunngaviuvoq, UKA 2013/74 7. november 2013-imi Inatsisinut Ataatsimiititaliami oqaluuserisassatut innersuunneqarmat, 27. november 2013-imi aappassaaneerinnilnginnermi isumaliutissiisummik saqqummiussaartussamat.

20. november 2013
Suliap normua 2013-088841
Allakkap nr. 1395853

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Apeqquut 1:

Tamatumunnga tunngatillugu Inatsisinut Ataatsimiititaliap kissaatigaa inatsisinut suliassaqaqarfigmi iliuusissatut pilersaarummut piffissaliussisoqarnissaa. Taamatuttaaq ilisimatitsisoqarnissaa kissaatigineqarpoq, iliuusissatut pilersaarutip qaqugu saqqummiunneqarnissaa Naalakkersuisut ilimagineraat, eqqartuussisoqarnermi inatsip pinerluttulerinermullu inatsip allannguuteqartinneqarnissaannut siunnersuut qaqugu Inatsisartunut saqqummiunneqassanersoq.

Ilaqutariinnermut Inatsisinillu Atuutsitsinnermut Naalakkersuisoqarfiup ilisimatitsissutigisinnavaa, 2014-imut aningaasanut inatsip akuersissutigineqarnerani inatsisinut suliassaqaqarfigmut marlunnik atorfinitsitsinissamat aningaasanik immikkoortitsisoqarmat.

Atorfiit taakkua marluk 2014-ip aallartinnerani inuttalerneqarnissaat ilimagineqarpoq, kingornalu Kalaallit Nunaannut pinerluttulerinermut inatsip eqqartuussisoqarnermilu inatsip misissuataarneqarnissaa aallartinneqassalluni.

Ilaqutariinnermut Inatsisinillu Atuutsitsinnermut Naalakkersuisoqarfiup pilersaarutigaa, Kalaallit Nunaannut pinerluttulerinermut inatsip eqqartuussisoqarnermilu inatsip misissuataarneqarnissaat 2014-ip naanerani naammassineqarsimassasut.

Piffissamulli pilersaarut nangaanartoqalaarpoq, kingornami siunnersuut folketingimut saqqummiunneqartussaammat.

Ilaqutariinnermut Inatsisinillu Atuutsitsinnermut Naalakkersuisoqarfiup ilimagaa, Kalaallit Nunaannut pinerluttulerinermut inatsip eqqartuussisoqarnermilu inatsip allannguuteqartinneqarnissaannut siunnersuut 2015-imi Inatsisartunut saqqummiunneqassasoq.

Apeqquutit 2A aamma 2B:

2012-imi ataatsimiinnerni immikkoortut akuersissutigineqarnerisa kingorna Inatsisinut Ataatsimiititaliap apeqqutaanut marluusunut akissuteqaqarfigisinnajaajumallugu, Ilaqutariinnermut Inatsisinillu Atuutsitsinnermut Naalakkersuisoqarfik paasissutissanik pisariaqartunik pissarsiniarsimagaluarpoq.

Akissuteqarnissamut piffissarititaq sivikitsoq innersuussutigalugu pinerluttulerinermut inatsip allannguuteqartinneqarnissaanut qanoq pisoqarsimanera pillugu paasissutissanik pissarsiniarnissaq periarfissaqarsimanngilaq.

Apeqquilli 2B eqqarsaatigalugu Naalakkersuisoqarfiup erseqqissaatigissavaa, § 21-p allannguuteqartinneqarnissaanut Naalakkersuisut inatsisinik atuutsitsinermut ministerimut peqqussutaata suliarineqarnissaa siunertaralugu pinerluttulerinermut eqqartuussisoqarnermullu inatsisit misissuataarneqarnissaat nangeqqinneqassammat.


Martha Lund Olsen

Ilaqutariiqnermut Inatsisinillu Atuutsitsinermut Naalakkersuisoq